

Shoqata „Greikoci“

Raport vjetor 2016

Ossingen ZH (Zvicër), 30 dhjetor 2016

Hyrje

Para se të fillojmë raportimin e dytë për veprimtarinë e shoqatës „Greikoci“, shprehim falënderimet më të sinqerta për të gjithë anëtarët e saj, të cilët po mundësojnë realizimin e të gjitha aksioneve të ndërmarra nga Shoqata jonë me kontributin e tyre financiar. Gjithashtu, falënderojmë, veçanërisht koordinatorin e shoqatës „Greikoci“, Ramadan Canaj, i cili po përfaqëson vlerat dhe idetë e Shoqatës me përpikëri në Grekoc, sipas modelit zviceran. Më tutje, falënderojmë Arianit dhe Albion Selimaj, të cilët po përkujdesen në kontinuitet për grafikën e flyerave dhe mirëmbajtjen e webfaqes së shoqatës „Greikoci“.

Me siguri do ta hetoni se shumica e aksioneve të vitit 2016 kanë të bëjnë me mirëmbajtjen e ambientit. Ky fakt nuk është i rastësishëm. Mirëpo vlen të ceket se kryesia e shoqatës „Greikoci“ vendosi që brenda vitit 2016 aktivitetet e Shoqatës të fokusohen në fushën e mirëmbajtjes së ambientit, pasi që të gjithë jemi të njoftuar se ambientit në fshatin Grekoc nuk i kushtohet shumë rëndësi. Për ta ndryshuar ambientin për të mirë, kërkohet nga të gjithë banorët përgjegjësi maksimale, duke evituar hedhjen e materialeve jo organike në hapësirat shoqërore. Pasi që ky synim në vendin tonë nuk realizohet me përpikëri, Shoqata „Greikoci“ me aksionet e saj, në fushën e mirëmbajtjes, ka si prioritet senzibilizimin e banorëve të fshatit Grekocit rreth përgjegjësisë që kanë si banor për mirëmbajtjen e vendit tyre.

Në fund, ju njoftojmë se në mbledhjen e kaluar të anëtarësisë, më 17 prill 2016, anëtarët prezent vendosën për ndryshimet statutare, ku u fuqizua roli i kryesisë së Shoqatës „Greikoci“. Tash e tutje kryesia e Shoqatës është e ngarkuar me përzgjedhjen dhe implementimin e projekteve në fusha të ndryshme, si dhe raportimin e tyre një herë në vit para anëtarësisë dhe Këshillit Kontrollues të Shoqatës.

Pastrimi i ambientit [mars 2016]

Më 21.3.2016 me rastin e ditës së pranverës, në fshatin Grekoc u bë pastrimi i ambientit.

Iniciativa për pastrimin e fshatit Grekoc u mundësua dhe u financua nga shoqata „Greikoci“. Menaxhues i projektit ishte njëri nga anëtarët e kryesisë së shoqatës „Greikoci“, z.Rexhep Neziraj, i cili kishte udhëtuar enkas për këtë aksion në vendlindje dhe kishte në mbështetje koordinatorin për Kosovë, z.Ramadan Canaj. Kësaj iniciative i dolën në ndihmë banorët e fshatit, si dhe nxënësit e shkollës fillore „Dëshmorët e Grekocit“ të udhëhequr nga drejtorja dhe arsimtarët e shkollës.


Pastrimi i fshatit filloi në mëngjes, duke përfshirë rrugët e shkollës dhe më pas vazhdoi në tërë fshatin, ku u grumbulluan më shumë se dy kamionë me mbeturina të llojeve të ndryshme. Shoqata „Greikoci“ financoi, brenda këtij aksioni, materialin për pastrim, si: thasë, doreza, derivate për mjetet transportuese, si dhe drekën për të gjithë pjesëmarrësit në këtë aksion.



Përkrahje për botimin e revistës „Dëshmorët e Grekocit“, nr.11 [prill 2016]

Kryesia e Shoqatës „Greikoci“ vendosi që pas kërkesës së arsimtarit, Fikret Ramaj, ta mbështetë botimin e revistës „Dëshmorët e Grekocit“, nr. 11, në aspektin material.

Kjo revistë botohet çdo vit, në prill, për nder të dëshmorëve të fshatit të rënë në luftën e fundit në Kosovë në vitin 1998 dhe 1999. Botues u revistës është Këshilli i shkollës. Revista përmban punime të ndryshme, si: poezi, vizatime, rrëfime apo intervista të nxënësve dhe të mësuesve të shkollës fillore të fshatit Grekoc. Njëkohësisht ju njoftojmë se kryesia e shoqatës „Greikoci“ ka vendosur që të jetë sponsor gjeneral i kësaj reviste edhe për vitet e ardhshme.



Iftar për bashkëvendasit [korrik 2016]

Me 3 korrik 2016, ditë e diel, shoqata „Greikoci“ i ftoi banorët e fshatit Grekoc për një iftar, gjatë muajit të shenjtë të Ramazanit. Ky iftar u mbajt në oborrin e Xhamisë së Fshatit dhe kishte mbi 100 pjesëmarrës. Shoqata „Greikoci“ mbështet çdo aktivitet, ku ndodh grumbullimi i bashkëvendasve me synime për të ndryshuar shoqërinë për së miri.



Kompjuterët për shkollën e Grekocit [korrik / gusht 2016]

Gjatë muajit korrik, shoqata „Greikoci“ vendosi që t'i dhurojë katër kompjuterë për shkollën fillore të fshatit Grekoc. Motivi ishte që, nxënësit e shkollës të kenë kushte sa më të mira për zhvillimin arsimit informatik. Shoqata „Greikoci“ konstatoi se njohuritë në fushën e informatikës janë të domosdoshme dhe mbështetë edukimin e shoqërisë në këtë fushë. Njëkohësisht shprehim falënderimet për kompaninë „Gani Transport“ nga Dietikon, kantoni i Cyrihut – Zvicër, e cila realizoj transportin e këtyre kompjuterave falas dhe Kujtim Neziraj i cili bëri programimin e kompjuterëve.



Punësohen dy persona për mirëmbajtjen e ambientit [gusht 2016]

Me 9 gusht 2016, shoqata „Greikoci“ zyrtarizoi punësimin e dy personave nga kjo organizatë për mirëmbajtjen e ambientit të fshatit: Beqir Canaj dhe Rexhep Lushaj. Këta punëtorë do të jenë përgjegjës për pastrimin dhe mirëmbajtjen e rrugëve, hapjen e varrezave, largimin e mbeturinave, pastrimin e përrrenjve etj.

Kjo Shoqatë, po ashtu, ka dorëzuar një traktor të vogël (golldan), si dhe rrobat e punës për këta punëtorë. Shoqata „Greikoci“ kërkon nga të gjithë banorët e fshatit Grekoc mirësjellje dhe përkrahje në mirëmbajtjen e ambientit.



Rreth shoqatës „Greikoci“:

Themelimi: 17 maj 2015
Selia: Ossingen ZH – Zvicër
Numri i anëtarëve: mbi 165
Kryetar: Regjep Neziraj (+41 79 489 49 92)
Webfaqja: www.greikoci.ch
Kontakt: shoqata_greikoci@gmx.ch
Facebook: Shoqata Grekoci

Synimet për vitin 2017

Për vitin 2017, kryesia e Shoqatës ka vendosur që fokus kryesor të ketë mirëmbajtjen e ambientit të fshatit Grekoc. Gjithashtu, do të përkrahë në vazhdimësi projekte, ku mbështetën të rinjtë e fshatit Grekoc. Projektet konkrete do të pasojnë gjatë pranverës së vitit 2017.